

2 SAN JUAN

San Juanpa K'art'a T'ěepema P'ãda

San Juan, Jesucristopa jirit'eradapa na k'art'a p'ãji. Ichia “mi Cristode ijãapataarã ak'ipari waibiada” apari, taarã ijãada perã, Cristo ome nipadak'ãriipa. Na k'art'a pëiji “Ak'õrepa jirit'eradaarãmaa”; pia jarait'eera, jirit'erada Cristode ijãapataadamerã.

Naapiara Juanpa jara bi ãra k'inia iru bi mǎik'aapa o-ña bi ũk'uru Ak'õre ode pia nipapata perã. Ũraa bi chik'inia p'anapataadamerã (vs. 1-6). K'irãpapi bi Cristo na p'ek'au eujãde nipada eperã jĩp'aak'a; mapa ũrinaadamerã seewa jarateepataarãpa jara p'anì mǎik'aapa ãchi t'ãide mǎirã auteebainaadamerã (vs. 7-11). T'ěepai jara bi ichi wǎ k'inia bi ãchi ak'ide mǎik'aapa salude pëiru (vs. 12-13).

Tachi Ak'õrepa wǎarata jara pëidade jara bik'a p'anapataadaipia bi

¹ Mi, Juan, Cristode ijãapataarã ak'ipari waibia. Mia na k'art'a p'ãru parã ijãapataarãmaa, Tachi Ak'õrepa parã jirit'erada perã Cristode ijãapataadamerã. Wǎara mia parã k'inia iru bi. Mia aupaita parã mǎgá k'inia iru bi-e. Jõma Tachi Ak'õrepa wǎarata jara pëida k'awa p'anĩrãpa parã auk'a k'inia iru p'anì.

² Mia parã mǎgá k'inia iru bi ma wǎarata ĩraweda tachi t'ãride bapari perã mǎik'aapa ichita bait'ee perã tachi ome.

³ Wāara Tachi Ak'õre mǎik'aapa iru Warra Jesucristo t'ǎri pia p'anapata tachi ome. Mapa ārapa tachi pia ak'i p'anadait'ee. Ma awara tachi chupiria k'awaadait'ee mǎik'aapa k'āiwee p'anapidait'ee. Māgá wāara p'anadai Tachi Ak'õrepa k'inia bik'a mǎik'aapa chik'inia p'anapataadai iru ome.

⁴ Mi o-ia beeji k'awaak'āri parādepemaarā ũk'uru p'anapata Tachi Ak'õrepa wāarata jara pēidade jara bik'a.

⁵ Irá, ĩpemaarā Cristo k'aurepa, mia parāmaa enenēe nībi tachi chik'inia p'anapataadamerā. Mia māga jarak'āri, jara-e bi ne-inaa parāpa waide k'awada-e p'ani. Tachia naa Cristode ijāadak'āriipa ma jarada ũridoada.

⁶ Nāgá tachia ak'ipidai Tachi Ak'õre mǎik'aapa awaraarā k'inia iru p'ani: oodak'āri Tachi Ak'õrepa jara bik'a. Iruata jara bi tachi chik'inia p'anapataadamerā. Parāpa māga ũrijida naaweda Cristode ijāadak'āri.

K'ĩrak'aupai seewa jarateepataarā t'ĩupidai parā t'āide

⁷ Ma Tachi Ak'õrepa jarada mia parāmaa k'irāpapi k'inia bi, na p'ek'au eujāde seewa-idaa beerā chok'ara paraa perā. Māgĩrāpa ijāadak'aa Jesucristo na p'ek'au eujāde ba cheji eperā jĩp'aak'a. Jaradak'aa Jesucristo Tachi Ak'õre Warra. Māgá tachia k'awa p'ani āchia seewa jaratee nipapata. Āchi Anticristo jĩak'aarā.

⁸ K'ĩrak'aupai ijāadai āchia jara p'ani. Māga ijāaruta pĩrā, jōpidait'ee jōma parāpa oomaa p'ani Tachi Ak'õre-it'ee. Mia k'inia bi parāpa atadamerā jōma

Tachi Ak'õrepa k'ĩsia iru bi teeit'ee ichideerãmaa it'ari, oopatap'edaa perã irua oopi bik'a.

⁹ Eperãpa jararu pirã Cristopa jarateedak'a oo-e pait'ee, ichia ma jarateeda k'ãyaara Tachi Ak'õre net'aa waapiara k'awa bairã, mǎgí eperãpa wãara Tachi Ak'õre k'awa-e bi. Jõdee chi Cristopa jarateedak'a oo bipa wãara ijãapari Tachi Ak'õre Warade mǎik'aapa Tachi Ak'õre k'awa bapari.

¹⁰ Maperã mǎgee Cristopa jarateedak'a ooda-e p'aniirãdepema aba parã t'ãide cheru pirã, iru auteebaidaik'araa bi. Mǎgee jarateepataarã parãmaa chepidaik'araa bi.

¹¹ Parãdepema abaapa mǎgee eperã auteebairu pirã, k'aripait'ee irua waapiara k'achia oomerã ijãapataarãmaa, irua seewa jaratee bi k'aurepa.

¹² Mia parãmaa waa jara k'inia bi, mamĩda k'art'a p'ãdade mǎga oo k'inia-e. Parã ak'ide wã k'inia bi, k'ĩrapite pedeedait'ee. Mǎgá tachi o-ĩa p'anadait'ee.

¹³ Parã ipemaarã Cristo k'aurepa, chi nǎpema Tachi Ak'õrepa jirit'eradaarã Cristode ijãadamerã, parãmaa ichiaba salude tee pëiruta.

Mǎgapai paji.

Tachi ak'õre pedee
New Testament in Epena (CO:sja:Epena)

copyright © 2005 Wycliffe Bible Translators, Inc.

Language: Epena

Translation by: Wycliffe Bible Translators, Inc.

Epena

sja

Colombia

Copyright Information

© 2005, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Epena

© 2005, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-23

PDF generated using Haiola and XeLaTeX on 19 Dec 2025 from source files dated 29 Jan 2022

1e08d4cb-71aa-5440-b08f-b522fabbb6441